






A 148



五彩玫瑰經淺義



玫瑰經淺義

2000-7-19

天主降生一千九百十九年

江南主教姚准

上海土山灣印書館印

玫瑰經淺義小引

論念玫瑰經法

玫瑰經包含二事。一。念經。二。默想。二者不可缺一。念經。卽於玫瑰經十五端。每端念天主經一遍。聖母經十遍。聖三光榮頌一遍。或有於念玫瑰經之始。加念信經一遍。天主經一遍。聖母經三遍。聖三光榮頌一遍。此非必不可少之經。而念之者可嘉。至論念經之次序。本無一定。近來通行者。乃于瞻禮二五兩日。念歡喜五端。瞻禮三六兩日。念痛苦五端。瞻禮四七及主日。念榮福五端。最要者。一主日中。須念全十五端。乃可得玫瑰會大赦也。默想。卽於念

時。默想吾主耶穌之事蹟。前五端。默想耶穌歡喜之事蹟。如聖母受天神之報。往見聖婦依撒伯爾。耶穌聖誕等事。中五端。默想耶穌痛苦之事蹟。如山園祈禱。受鞭打之苦。云云。後五端。默想耶穌榮福之事蹟。如復活。升天等皆是。至論默想之式。有先念天主經一遍。聖母經十遍。聖三光榮頌一遍。然後靜默片時。細想此端奧理者。先有念在天五遍。亞物五十遍。聖三光榮頌五遍。然後連想五端事蹟者。有隨念隨想。同時並行。每念一端。將一端事蹟。設想於目前者。譬如念歡喜第一端。想聖母端跪在房中。天神在旁。與聖母言天主降生之事。念第二端。想聖母與依撒伯

爾滿面喜悅。讚謝天主其餘。仿此按此式最爲簡便。不論男女老小。若畧曉十五端故事。便可照此而行。且卽景生情。易於留神。不致有口無心。徒勞脣舌也。若教友果能真心實意。仿照以上諸式。日日虔誦聖母玫瑰經。聖母必自天降福。神形俱得無盡之益。豈不美哉。



故事 當時天主差天神嘉俾厄爾。至瑪利亞前報云。恭  
賀爾滿受聖寵者。天主與爾偕焉。爾于眾女人中。最受  
讚美者。爾得天主寵眷。將懷孕一子。當名之爲耶穌。天  
主聖神將保護爾。勿傷爾之貞德。但看爾之表姊依撒  
伯爾。雖向無生育。今年紀老大。尙能懷娠。已六月矣。瑪  
利亞答曰。吾主之婢女在此。願照爾之言。成于我身。言  
畢。天主第二位費略。立即因聖神之功。降孕于聖母胎  
中。推意 天神嘉俾厄爾朝拜一女。謙哉天神。瑪利亞貴爲  
主母。而自稱婢女。謙哉主母。天主費略。以主性之尊。而  
結合人性。隱藏于聖母胎中。謙哉聖子。嗚呼。謙遜之德。  
美矣。高矣。我乃何人。敢妄自尊大。輕視他人哉。今宜深  
自謙抑。克我做氣。還我本來面目。庶可得主寵眷。

# 歡 喜 一 端



當效  
謙遜  
之德  
自謙  
己遜

天朝  
童貞  
瑪利  
亞報  
曰天  
主特  
選爲  
母

# 歡 喜 二 端



當 效  
之 德  
愛 慕  
他 人

聖 母  
往 見  
聖 婦  
依 撒  
伯 爾

故事。聖母因天神之報知。依撒伯爾受孕之事。乃急起程。到聖婦之家。拜賀表姊。及進門。聖母卽開口稱賀。依撒伯爾聞聖母之言。就讚曰。眾女人中。惟爾最受讚美。爾胎中之子。亦受讚美。我是何等人。而敢當吾主之母。遠來望我耶。瑪利亞答應曰。我之靈魂。頌揚吾主。欣悅于我之救世主。因其眷顧我卑微之婢女。後來萬世將讚頌我爲有福之人。云云。言畢。依撒伯爾接聖母至內室。聖母約住三月。辭別而歸。

推意。聖母至依撒伯爾家內。扶助表姊內外諸事。耶穌在母胎中。赦若翰之原罪。賜其特寵。聖母此行。兼施神形哀矜之工焉。我當仰體聖心。稍盡愛人之職分。勉行神形哀矜諸善功。則於審判日。必將受主嘉獎。而得上賞。

故事

當時西國總皇出號令。命國人俱歸本鄉。報名上

冊。聖母與若瑟卽應命起程。至白稜城。其時行旅人多。無一客寓肯收納二聖住宿。二聖乃往城外棲于山峒中。至夜半。聖母產期已至。無痛無苦。生吾主耶穌。毫不損壞其童貞。耶穌誕生後。聖母用抱裙裹之。置于馬槽中。先盡朝拜之禮。此時有無數天神作樂于空中。讚美天主。慶賀世人曰。天主于天上受享榮福。善心人於地上得享平安。

推意

吾人犯罪。大概因貪得財物。忘棄主命。故吾主降世。親身立表。示人以甘貧之德。生于馬棚中。死于十字架。一生貧苦。諸物全無。我應定志效法聖表。以順從主命。安分守己。爲第一要務。財物之有無得失。無關於心。不足以爲輕重。若此。庶可以享耶穌之安福矣。

# 歡 喜 三 端



當效  
之德  
輕視  
世物

吾主  
耶穌  
基督  
降誕

# 歡喜四端



當效  
之德  
謹遵  
主命

聖母  
獻耶穌  
於堂

故事。聖母生產吾主耶穌後。遵守古教規矩。四十日閉門不出。後乃懷抱吾主耶穌。獻于聖堂。行取潔之禮。此時有大德司教西默盎。賢婦亞納。俱得天主默啟。來堂迎接耶穌。西默盎接抱吾主于懷中。極曰讚揚。後乃向聖母曰。此兒將如箭鵠。被世人所射。亦將有利劍刺傷爾心。聖母聞言。切記于心。乃抱耶穌而歸本鄉。推意聖母非平常婦人。生子不因人道。本不必遵守取潔之禮。但因此例。乃天主所定。故亦聽命遵行。我自思之。我常常自以爲是。厭守規矩。厭煩長命。求聖母變化我心。賞我效法其聽命之德。



故事 吾主當十二歲時。同聖母及聖若瑟。進京瞻禮。畢。聖母與若瑟同眾歸去。耶穌獨留于堂。二聖未嘗得知。及至寓所。不見耶穌。卽往各處尋覓。影跡全無。至第三日。早復入聖堂。則見耶穌安坐于博學士中。辯論聖經道理。聖母謂之曰。吾子爾何爲離棄我等。爾父與我尋爾。真心痛也。耶穌答曰。爾等何爲尋我。勿知凡有聖父之事。我應有分者乎。言畢。偕聖母聖若瑟。回至家中。孝順聽命。至三十歲。推意 聖母若瑟。非爲有罪而失耶穌。乃哀痛至極。急忙尋覓。我有罪過而失耶穌。亦曾迫切尋覓否。又聖母三日中。往各處尋耶穌。而不能得一入聖堂。卽遇耶穌。可見靈魂真實之安慰。不在人叢俗事之中。惟可得之于聖堂內。我若欲得安慰。則求耶穌可也。

# 歡喜五端



當效  
之德  
勤求  
主寵

耶穌  
十二  
齡講  
道

# 痛 一 苦 端



宜之行  
眞心悔  
痛

耶山祈  
穌園禱

故事 吾主耶穌於受難之前一夜。同宗徒等到日色瑪  
尼山園中。此時吾主心中。覺得非凡怕懼。十分厭氣。憂  
悶至極。卽向諸徒曰。我靈憂甚至死矣。後乃離彼。跪伏  
地上。再三懇求聖父曰。父。爾是全能的。求爾免我受此苦  
難。然請勿照我願。惟照爾聖旨。于是有天神從天下降。降  
勉勵之。安慰之。而吾主耶穌雖然憂悶至極。仍舊祈禱  
不輟。祈禱愈久。愈加懇切。乃渾身發出血汗。點滴流到  
地上。

推意 吾主耶穌山園祈禱時。憂悶至極。血汗流地。此時  
之苦。非言語所能形容其萬一。嗚呼。耶穌。我罪人辜恩  
負義。罪孽深重。本不敢求爾哀憐。但因爾憂痛至極。實  
爲愛我之故。今懇切求爾。賞賜我真心痛悔一生罪過。  
至死常與爾哀痛祈禱。

故事。惡黨於比辣多前。吵鬧不休。定要釘死耶穌。比辣多無可如何。命衙役鞭打耶穌。以消眾怒。役卒卽剝去吾主衣服。縛于石柱上。或取荆棘之條。或用鞭子。或以鐵索。狠力鞭打。吾主耶穌全身皮破肉脫。筋骨盡露。血流滿地。

推意。吾主受此酷刑。若非天主扶助。早已死于鞭笞之下。噫。耶穌受此苦難。是爲補贖我好貪逸樂之罪。故鞭打吾主。雖是惡人。其實我之罪過鞭打之也。今急當多作善工。時常克己。一則以補贖前日之罪過。一則以報答耶穌之恩德。

# 痛 苦 二 端



宜 行  
之 工  
補 贖  
前 愆

耶 穌  
繫 受  
鞭 笞

# 痛 苦 三 端



克 苦 之 宜  
已 身 工 行

苦 冠 受 耶  
辱 之 茨 穌

故事。役卒鞭打畢。領吾主耶穌到公堂庭中。會聚眾兵。取紅袍。披于其身。譏誚其爲假王。又以棘茨編成一冠。箍于其首。取竹竿。置于其手中。以爲假王權杖。眾兵復至其前。假意跪拜。戲笑侮辱。後乃掌擊其面。口唾其頰。奪其手中竹竿。擊其聖首。推意。吾人犯罪。於心思中最多。而邪淫。驕傲。貪吝。尤爲眾罪之根。吾主耶穌甘心受茨箍之苦。正爲補贖此三罪也。嗟乎我靈。急自省之。邪念初動。立刻斷絕否。傲心隱伏。盡力克除否。貪吝性發。時常遏阻否。不然。非但不安慰吾主。反加棘刺於聖首矣。眞痛心也。



故事 比辣多順從惡人之意。妄斷耶穌該受釘死之刑。兵役卽造成一大木十字架。命耶穌親身背負。到加爾瓦略山上受刑。吾主耶穌卽肩負而行。路上顛跌三次。受盡無數苦難凌辱。出城時。路旁遇見聖母瑪利亞。聖母見耶穌灰塵滿面。鮮血淋漓。一時心痛至極。流淚慟哭。

推意 吾主耶穌背負十字架上山時。一路氣衰力乏。鮮血隨處流下。加以惡黨之兇暴。眾人之戲笑。此景此情。何堪忍受。須知吾主自願受苦至此。惟爲愛我之故。我今定心立志。以後常常甘心負我之十字架。卽甘受世上一切苦楚凌辱。及本分中當盡之勞苦也。


# 痛 苦 四 端



宜 行  
之 工  
忍 耐  
諸 艱

耶 穌  
負 十  
字 架  
陟 山  
受 死

# 痛 苦 五 端



耶 愛 之 宜  
 穌 慕 工 行

死 架 十 被 穌  
 上 字 釘 耶

故事 吾主耶穌既到加爾瓦略山上。惡人剝去其衣。釘  
伊於十字架。復將十字架豎立於地中。當時聖母站立  
架旁。同幾位聖女。悲傷哭泣。吾主於十字架上。共發七  
言。一。求聖父寬宥惡黨。二。許右盜升天。三。託若望於聖  
母。四。謂天主何故棄我。五。曰。我渴。六。曰。畢矣。七。曰。父。我  
神付於爾手。言畢。遂斷氣而崩。天將晚。若望等從十字  
架上卸下聖屍。聖母接抱懷中。不勝痛哭。後乃葬聖身  
於墳墓而歸。

推意 吾主在十字架。身上處處受傷。手足有鉄釘。頭上  
有茨冠。肋骨條條可數。皮肉糜爛。如一死屍。加以聖心  
之憂痛。更不可以言語形容。嗚呼。耶穌。求爾赦我罪。加  
我神力。賞賜我得以全心愛爾。聊報爾之大恩。

故事 吾主耶穌死後第三日早晨。用自己全能。從墳墓中復活。此時吾主聖身光榮非凡。具光明。無損。神速。通透四大奇。卽往聖母之室。安慰聖母。聖母異常欣樂。慶賀吾主之榮福。後吾主屢次顯現於別位聖女。宗徒。門弟。安慰之。教訓之。

推意 吾主耶穌復活後。在世四十日。屢次顯形。大發其光榮。撫慰眾人。吁。耶穌仁慈之大主。爾之聖心。無限寬仁。世上之罪人。無有真心痛悔。求爾哀憐。而被爾棄絕之者。求爾赦我罪過。恕我軟弱。賜我改惡遷善。以後常合爾聖意。行爾聖旨。

# 榮 福 一 端



當 求 之 恩 改 過 遷 善

耶 穌 復 活

# 榮 福 二 端



當 求 之 恩 切 望 升 天

耶 穌 升 天

故事 吾主耶穌復活後四十日。升天之期已至。聖母率領宗徒等一百二十人。隨從吾主。到阿利伐山上。吾主復叮嚀一番。乃舉手降福。辭別眾人。隨即騰空。上升天國。後聖母偕宗徒等回至城中。一同祈求天主。等待聖神降臨。

推意 吾主耶穌升天後。天主聖三倍切歡喜。引吾主上升寶座。將上天下地。一切權能。付於其手。自此時以至永遠。萬福並至。萬美齊集。聖心之欣樂。真無言可也。須知天堂爲我本鄉。今世乃流徙充軍之地。急當多積功勞。盼望他日。能與耶穌一同享福。



故事 吾主耶穌升天後第十日。早晨。聖母同宗徒等百二十人。聚集一堂。同心祈禱。忽然天發大聲。如一陣烈風。吹至伊等居住之室。復有點點火星。形如舌頭。落於眾人頭上。此時眾人心。中。滿受天主聖神。能通各國方言。傳揚聖教。

推意 聖神一降。諸聖之心。頓時改變。盡化世俗之意。靈魂清潔。愛德深切。通明超性精奧之理。我亦當切求聖神。多賜聖寵。常居我心。開我惛昧。助我力弱。

榮 福 三 端



當 求 之 聖 神 寵 佑

聖 神 降 臨

榮 福 四 端



當求之恩安死善終

聖母榮召升天

故事。聖母末年。功全德備。升天之時已近。天主遣天神來朝。預報升天之期。又顯大聖跡。令眾宗徒騰空飛行。一時聚集於協露撒稜聖母之室。惟多默宗徒未到。聖母乃叮囑再三。許升天後。常常保佑。扶助伊等。言畢。吾主耶穌領無數天神。前來迎接。聖母於是無病無痛。靈魂出離肉身。上升天國。宗徒等乃葬聖身於日色瑪尼。後第三日。多默宗徒亦到。欲看聖屍。於是眾人前往開棺。但覺異香撲鼻。衣衾還在。而聖身已復活升天矣。推意。聖母一生清潔。切愛耶穌。事事承行主命。故臨終之時。心泰神安。我欲得善終之福。亦當承行主命。善盡本分。無稍忽略。且又熱愛耶穌。聖母不拂逆其聖心。如此。則臨終時。亦可安心無慮矣。


故事 聖母升天後。天主聖父以聖母功大德全。升伊在  
九品天神之上。爲天地萬物之母皇。世上衆人之主保。  
於是衆位天神俱尊之。爲后。聽其差遣。奉其意旨。天下  
萬物俱屬於聖母權下。受其掌管。聖母又有愛人之德。  
作衆人之母。代人祈禱。救拔人靈。上升天國。  
推意 許多聖人謂。世上無有一人。不賴聖母而得升天  
者。亦無有一恩。不由聖母而下降者。我今定志。一生依  
恃聖母。求其垂佑。效其聖表。頌其功德。日日虔誦聖母  
玫瑰經。至死不輟。嗚呼。聖母。至仁主保。懇爾不忘我小  
子。於今世。俾日後能享見爾。讚美爾。於無窮世。 亞孟。

# 榮 福 五 端



當 之 依 聖  
求 恩 靠 母

天 立 母 九 天 以 之 天 皇 之 世 之 保  
主 聖 於 品 神 上 爲 地 母 及 主



聖母玫瑰會及玫瑰串經規略

一 凡欲入玫瑰會。須稟請填名註冊。備有祝聖念珠。

一 會友本分。每主日內。須念玫瑰經十五端全串。或作一次念。或每端分念。俱可。除此之外。若欲得玫瑰串經恩赦。必須五端連念。

一 會友行告解領主誦玫瑰經等善工。而欲得本會應

得之大赦者。須存得大赦之意。

一 凡未經入會之人。欲得玫瑰串經恩赦。亦須備有特

行祝聖之珠。每次須五端連念。不得間斷。念時。畧行

默想。手持念珠。其賦往愚鈍者。不必默想。惟須勉習

此等默想之工。又多人公念時。一人持珠足矣。

一 玫瑰本會。及誦玫瑰經大赦。詳見聖心報第四十一

號。茲不贅。





